



ՀՀ ԿԳՆ «ԵՐԵՎԱՆԻ «ՄԽԻԹԱՐ ՍԵՔԱՍՏԱՑԻ» ԿՐԹԱԳԱՍՍԱԼԻՐ» ՊՈԱԿ

«MKHITAR SEBASTATSI» EDUCATIONAL COMPLEX

MINISTRY OF SCIENCE AND EDUCATION OF THE REPUBLIC OF ARMENIA

0064, Երևան. Բաժնու 57 հեռ: (374 10) 74 72 46. (374 91) 43 10 99 info@mskh.am www.mskh.am
Raffy 57.Yerevan, tel:(374 10)74 72 46.(374 91)43 10 99 https://www.facebook.com/mxitar.sebastaci?fref=ts

17-05-208

29. 05.2017թ.

ՀՀ ԿԳ ՆԱԽԱՐԱՐ
ՊԱՐՈՆ Լ. ՄԿՐՏՉՅԱՆԻՆ

Հարգելի նախարար.

Ներկայացնում ենք կրթահամալիրի՝ հանրային, բաց, ամբողջական ներառական համալիր-դպրոցի տնտեսության ֆինանսական՝ Ձեր ուշադրությանն արժանացած կազմակերպումը՝ որպես հեղինակային կրթական ծրագրով ձեռքբերում՝ անհրաժեշտ կրթահամալիրի պահպանման, զարգացման և որպես մոդել տարածման համար (ամբողջությամբ կամ առանձին բաղկացուցիչներով):

ՀՀ կառավարության 2003թ. փետրվարի 27-ի հ. 361 որոշմամբ «Երևանի «Մխիթար Սեբաստացի» կրթահամալիր» պետական ձեռնարկությունը վերակազմավորվել է «Երևանի «Մխիթար Սեբաստացի» կրթահամալիր» պետական ոչ առևտրային կազմակերպության: ՀՀ ԿԳ նախարարի 2003թ. ապրիլի 25-ի հ. 259-Ն հրամանով հաստատվել է «Երևանի «Մխիթար Սեբաստացի» կրթահամալիր» ՊՈԱԿ-ի կանոնադրությունը, որում ամրագրված են ՀՀ կառավարության 10.05.1990թ. N216 որոշմամբ հաստատված՝ կրթահամալիրի գործունեության առարկան և նպատակները. «նախադպրոցական, ընդհանուր տարրական, հիմնական, միջնակարգ, հատուկ (այդ թվում՝ առանձնահատուկ պայմանների կարիք ունեցող և արտակարգ ընդունակություններ դրսևորած երեխաների) նախամասնագիտական (արհեստագործական), միջին մասնագիտական, արտադպրոցական (նախասիրական, լրացուցիչ) կրթական ծրագրերի իրականացում », «ազգային դպրոցի հարուստ ավանդույթների վերածնունդը, առաջավոր կրթական, այդ թվում՝ կրթահամալիրի հետազոտող մանկավարժների մշակած մոդելների ներդրումը, նախադպրոցական, հանրակրթական, նախամասնագիտական, միջին մասնագիտական և լրացուցիչ կրթության հաստատությունների հնարավորությունների համախմբում՝ ընդհանուր,

հատուկ (այդ թվում՝ առանձնահատուկ պայմանների կարիք ունեցող և արտակարգ ընդունակություններ դրսևորած երեխաների) և լրացուցիչ կրթության ինտեգրացումը ապահովելու նպատակով»:

Մինչև 2005թ. կրթահամալիրը հիմնադրի կողմից սահմանված կարգով ֆինանսավորվել է իր կանոնադրությամբ որոշված առարկային ու խնդիրներին, կառուցվածքին համապատասխան: Հանրապետությունում սովորողների թվով ֆինանսավորման անցնելուց հետո հիմնադիրը՝ ՀՀ կառավարությունը, կրթահամալիրի կանոնադրական գործունեության անընդհատությունը, կրթահամալիրի զարգացումը նոր պայմաններու ապահովելու համար առ այսօր կրթահամալիրին ֆինանսավորում է հետևյալ կարգով.

- հանրակրթության (կրթահամալիրի հանրակրթական դպրոցների պահպանության և ուսուցման ծախսեր), միջին մասնագիտական կրթության, նախնական մասնագիտական (արհեստագործական) կրթության ծրագրերով, ներառական ուսուցման ծրագրով (կրթահամալիրի հանրակրթական դպրոցներում ընդգրկված առանձնահատուկ պայմանների կարիքով սովորողների թվով).
- ՀՀ պետական միջնաժամկետ ծախսային ծրագրերով, հանրակրթական ծրագրերի իրականացման օժանդակության շրջանակներում, որպես պետական աջակցություն, կրթահամալիրում իրականացվող պետական այլընտրանքային (հեղինակային) մանկավարժության ծրագրերի, կրթահամալիրի կրտսեր դպրոց-պարտեզներում նախադպրոցական ուսուցման, լրացուցիչ կրթության՝ օժտվածության զարգացման բաց համակարգի պահպանման համար:

Պետական աջակցությամբ իրականացվող ամենամյա այս ծրագրերը 2009 թվականից, պահպանելով իրենց ինքնուրույնությունը, հիմնադրի կողմից միավորվել են «Փորձարարական մանկավարժության ծրագրերի իրականացում հանրակրթությունում» ծրագրում: Ամեն տարի նախարարություն է ներկայացվել սահմանված ձևի հաշվետվություն՝ այս ծրագրերի աշխատանքների ֆինանսական և ոչ ֆինանսական ցուցանիշների մասին: Պետական աջակցությունն ընդարձակելու համար կրթահամալիրն ամեն տարի սահմանված կարգով նոր առաջարկներ է ներկայացրել ՀՀ ԿԳ նախարարություն՝ նախարարության ՄԺԾԾ հայտում

ընդգրկելու համար, որոնք, ցավոք, չեն հաստատվել: Ինչպես և 1990թ. հետո կրթահամալիրի մասնաշենքերից ոչ մեկը չի ընդգրկվել կրթական օբյեկտների հիմնանորոգման պետական ծրագրերում, չնայած ամենամյա մեր պատշաճ ներկայացրած հայտերի:

Կրթահամալիրում հեղինակային կրթական ծրագրերի մշակման, իրականացման, տարածման համար անհրաժեշտ, ծրագրերով որոշված մյուս աշխատանքները (կրթահամալիրի կանոնադրական գործունեության ուղղություններ)՝ հեղինակային կրթական ծրագրի և սովորողի անհատական ուսումնական պլաններով, սովորողի-սանի ուսումնառության պայմանագրով որոշված լրացուցիչ կրթական ծառայություններ, սննդի կազմակերպում, երկարօրյա ուսուցում, լրացուցիչ կրթություն, ուսուցման հեղինակային ծրագրով որոշված պայմանների, այդ թվում՝ մեդիակրթության ապահովում, կազմակերպում են ուսումնառության պայմանագրերով որոշված՝ ծնողական ամսական լրավճարներով: Դրանք ամբողջությամբ փոխանցվում են կրթահամալիրի բանկային հաշվին, արտացոլվում կրթահամալիրի ֆինանսական մուտքերում, կրթահամալիրի խորհրդի հաստատած ուղղություններով և չափաքանակներով կատարվող ծախսերում, սահմանված կարգով ներկայացվող ֆինանսական հաշվետվություններում: Կրթահամալիրի ոչ բյուջետային այլ միջոցները՝ օրենքով սահմանված կարգով ստացվող այլ եկամուտներ, նույնպես ուղղվում են հեղինակային կրթական ծրագրի իրականացմանը: Հեղինակային կրթական ծրագրի կազմակերպման, տարածման համար կրթահամալիրը հաստատում է կապեր պետական, հասարակական, միջազգային կազմակերպությունների, անձանց հետ, որոնք աջակցում են ծրագրի կազմակերպման տարբեր խնդիրների լուծմանը: Ամբողջությամբ ոչ պետական հատկացումներով են կատարվել կրթահամալիրի կրթական օբյեկտների ներքին և արտաքին բարելավում-բարեկարգումը, ուսուցողական միջավայրի արդիականացումը, լաբորատոր-արհեստանոցային համակարգի տեխնիկական հագեցումը:

Այս ամբողջն է, որ ապահովել է հեղինակային կրթական ծրագրի բնականոն գործունեությունը, թափանցիկություն, հասցեականություն, կրթահամալիրի խորհրդի իրական գործունեություն, հեղինակային կրթական ծրագրով որոշված ուսումնական նյութական միջավայրի մշտական զարգացում, ուսումնական

միջոցներով հագեցում, նորացում: Այս ձևով նաև ապահովվել է հեղինակային կրթական ծրագրի մատչելիությունը. տարեկան սովորողների 5-10 տոկոսն օգտվել է կրթահամալիրի ծախսային ծրագրերի նախահաշվով որոշված սոցիալական աջակցությունից: Հետագոտող՝ մշակող-փորձարկող-տարածող ուսուցչի համար ստեղծվել է լրավճարների, հավելավճարների, պարգևավճարների բաց, աշխատանքային պայմանագրով երաշխավորված համակարգ:

Հարգելի նախարար, ֆինանսավորման այս ինքնուրույն համակարգը, որ արդարացիորեն գնահատում եք որպես հեղինակային կրթական ծրագրով ձեռքբերում, Ձեզ ներկայացված մանկավարժության ամառային ճամբարներում, շուրջտարյա մենթորական բաց լաբորատորիայում կներկայացնենք հանրակրթական, նախադպրոցական հաստատությունների տնօրեններին, ի թիվս հեղինակային կրթական ծրագրի այլ ձեռքբերումների:

2018-2020-ի համար, պահպանելով կրթահամալիրի կանոնադրական գործունեության ապահովման վերը նշված ուղղությունները, առաջարկել ենք հեղինակային կրթական ծրագրով ձեռքբերումների տարածում՝ կոնկրետ դպրոցներում 5 տարեկանների ուսուցման, անհատական համակարգիչներով-բլոգներով ուսուցման փորձի ներդրուման, դպրոց-պարտեզների ցանցի ստեղծման ծրագրեր, որոնք ենթադրում են լրացուցիչ ֆինանսավորում: Ահա ինչու՝ խնդրում ենք սա դիտել որպես 2018-2020 թթ ՀՀ պետական միջնաժամկետ ծախսերի ծրագրի կրթության և գիտության նախարարության հայտում «Փորձարարական մանկավարժական ծրագրերի իրականացում հանրակրթությունում» ծրագիրն ընդարձակելու և «Երևանի «Մխիթար Սեբաստացի» կրթահամալիր» ՊՈԱԿ-ին այդ նպատակով դրամական միջոցներ (լրացուցիչ ֆինանսավորում) հատկացնելու մեր հայտի հիմնավորում:



ՀԱՐՉԱՆՔՈՎ՝
ԿՐԹԱՀԱՄԱԼԻՐԻ ՏՆՕՐԵՆ՝

Ա. ՔԼԵՅԱՆ

info@mskh.am